



UNIVERSITÄTS-
BIBLIOTHEK
PADERBORN

Universitätsbibliothek Paderborn

Unus Pro Omnibus, Hoc est: Christus Jesus Dei Filius

Ginther, Anton

Augustæ Vindelicorum, 1733

VD18 12431648

Consideratio LXI. Christus extentis in cruce manibus orans, exemplum nobis præbet, quod salubriter imitemur.

[urn:nbn:de:hbz:466:1-45934](https://nbn-resolving.org/urn:nbn:de:hbz:466:1-45934)



CONSIDERATIO LXI.

Christus extentis in cruce manibus orans,
exemplum nobis præbet, quod imitemur.

Clamavi ad te Domine: expandi ad te manus meas.

Psal. 87. 10.

I.

Moyſes, ubi contra Amalec erat pugnandum, cum virga ſua, quã prius mare rubrum diſerarat, montem aſcendit: *Cum-que levaret manus Moyſes, vincebat Iſrael: ſin autem paululum remiſſiſſet, ſuperabat Amalec.* Quid igitur conſilii in re tanti momenti? Aderant tunc quoque in vertice montis Aaron & Hur, qui, cum manus in Moyſe jam ſeneſcente ob tam diuturnam extensionem laſſatas advertiſſent, eas in oratione Moyſis tam diu in ſublime ſuſtentarunt, donec Joſue, fugato Amalec, hoſtilem exercitum proſtigaverit, & in ore gladii uſque ad interneccionem deleverit: *Fugavitque Joſue Amalec & populum ejus in ore gladii.*

Exod. 17. 11.

Per Moyſen Chriſtum ſubaudi in Calvario monte virgam ſuam, hoc eſt, crucem in manibus tenentem, & expansis in modum crucis brachiis ad Patrem ſuum cœleſtem pro ſalute noſtra orantem: *Moyſes, ait S. Iſidorus, brachia in modum crucis extendit; ſicque hoſtis ſigno crucis Dominica ſuperatur, & Cornelius à Lapide: Virga hac, inquit, ſignificabat crucem Chriſti; unde Patres docent, Moyſen hic crucis Jeſu habitum & typum geſſiſſe.*

S. Iſidor. in Exod. c. 25.

Cornel. hic.

2. Voluit autem mitiſſimus orbis Servator Chriſtus in cruce extendere manus. Primò ut omnes ad ſe invitaret: *Venite ad me omnes, qui laboratis, & onerati eſtis, & ego reſciam vos.* Secundò ut paratum ſe oſtenderet, ad omnes amplexandos, quemadmodum mitis ille & verè miſericors Pater expansis brachiis filium ſuum prodigum nunc ad frugem redeuntem excepit, & pectori ſuo admovit: *Accurrens cecidit ſuper collum ejus, & osculatus eſt eum.* Tertiò ut comprehenderet fines univerſæ terræ, ita prædicente Sybillâ, ut refert Sozomenus: *Expandet- que*

Matth. 11. 28.

Luc. 15. 20.

que manus, totum mensuret ut orbem. Quarto ut Patrem exoraret cœlestem, illique nos sisteret, atque per SS. Vulnere sua, velut sacra ora, veniam nobis exoraret, *Pater ignosce*. Quinto ut nobis monstraret, quomodo efficaciter ad DEUM orandum; proinde antiquissima in Ecclesia Dei consuetudo est jam ab Apostolorum tempore introducta, ut in oratione nostra manus in modum crucis expandamus, ut sic crucis memores nostram in ea spem & in meritis Christi ponamus; juvat hic audire S. Ambrosium: *Ipsius ait, incessus hominis, cum manus levaverit, crucem pingit, atque ideo elevatis manibus orare precipimur, ut ipso quoque membrorum gestu passionem Domini fateamur. Tunc enim citius nostra exauditur oratio, cum Christum, quem manus loquitur, etiam corpus imitatur.*

S. Ambros.
serm. 56.

3. Ex quibus apparet, quod oratio illa magis apud DEUM sit meritoria quæ sit distentis in formam crucis manibus, quam illa quæ offertur DEO junctis vel conclusis manibus, quia talis homo, qui elevatis manibus orat, demonstrat quod crucifixum sincerè amet, eumque, quantum in se est, imitari studeat, unde paratum se exhibet ad pugnam & omnem labores pro crucifixo obeundos; Et sicut naufragus in mediis undis constitutus brachia expandere solet, quo signo auxilium implorat & succursum; Sic qui inter orandum manus in cœlum atque in formam crucis erigit, quæ publicè, quæ privatim ostendit, quod honoret Crucifixum Dominum suum, cujus gratiam & misericordiam tam humili corporis gestu implorat. Et quorsum, obsecro, Lector Staurophile, in omnibus nostris necessitatibus securius fugiamus quam ad crucifixum JESUM? *Non enim est in alio aliquo salus; nec enim aliud nomen est sub calo datum hominibus, in quo oporteat nos salvos fieri.*

Act. 4. 11.

4. Ad Davidem Regem transeamus, qui inter spem & metum constitutus, dum exercitum suum contra rebellem Absolonem filium suum jam explicatis signis progredi conspexit, in genua humiliter provolutus, expansis ad cœlum manibus imminentem suorum pugnam DEO commendavit, humiliter obsecrans, quatenus benignus Dominus justis assisteret armis: *Expandi, inquit, ad te manus meas: anima mea sicut terra sine aqua tibi: velociter exaudi me Domine.* Et iterum in alio loco: *Elevatio manuum mearum sacrificium vespertinum,* quod idem est (prout eleganter hic observat le Blanc & alii) *Elevatio manuum mearum,* id est oratio quam manibus in cœlum elevatis & expansis ad te dirigo Deus, sit tibi perinde grata sicut sacrificium, quod tibi tempore vespertino Jerosolymis offerre consuevi, ubi nunc in exilio constitutus, & a proprio filio rebellante ab urbe mea expulsus, illud tibi DEO optime, maximo offerre non possum.

Psal. 142. 6.

Psal. 140. 2.

Erat

Erat autem hoc sacrificium Vespertinum agnus quidam immaculatus, in veru ligneo in formam crucis expansus, & lento igne pro salute totius populi assatus, quam victimam Sacerdos pro peccatis totius prateriti diei DEO offerebat, & in altum, ut sic eam DEO sifteret, ac consecraret, elevabat; pro ut nunc Sacerdotes Christiani in sacrificio missæ post consecrationem SS. Hostiam elevare assolent. Ex quibus facilè intelliges, Lector prudens, quam ob causam prudentissimus Rex David in extrema illa constitutus necessitate manibus ad cœlum in formam crucis extentis ad DEUM oraverit, ut videlicet eo modo facilius iratum Numen placaret, & divinam à se averteret indignationem, erat enim Propheta, & à DEO superiore illustratus lumine clarissimè ex hoc figurante figuratum, & ex victima Vespertina Christum & hunc crucifixum prævidit & agnovit, qui, velut agnus innocentissimus, horâ vespertinâ, hoc est nonâ, pro delictis totius mundi in ara crucis oblatu est, per quem à DEO gratiam & contra rebellantes victoriam obtinuit: *Illud*, ait S. Augustinus, *est sacrificium vespertinum, passio Christi, Crux Christi, oblatio victima salutaris, holocaustum acceptum Deo &c.*

S. August. in
Psal. 40.

O Christiani! non erubescamus in oratione nostra in modum crucis expandere manus nostras: *Qui enim*, subintrat hic B. Bruno Episcopus, *expansis manibus orat, crucem Redemptoris imitatur; Et Incognitus: Quando expandimus manus in modum crucis, tunc significamus nos imitatores Christi passionis, omnia adversa patienter tolerando.*

B. Bruno in
Exposit. psal.
Incognitus
fol. 1037.

5. Desideras plura? Salomonem attende; Ubi templum suum complevit, convocato omni populo stans ipse in loco eminentiori divinæ Majestati debitas persolvit gratias, sed non alio modo, quam expansis per modum crucis brachiis: *Stetit Salomon ante altare Domini in conspectu Ecclesie Israël, & expandit manus suas in cœlum &c.* Et exauditus est in deprecatione sua, impleverat enim gloria Domini domum Domini &c. Petrus Galatinus hic observat, quòd Salomon manus suas in formam crucis expandens in cœlum, in umbra præviderit Christum Dominum & hunc crucifixum, quem & omnes victimæ, quas immolabat, repræsentabant, idèd & ipse extentis in modum crucis brachiis orabat in cœlum. En si vis singularem à DEO obtinere gratiam, imitare hic Salomonem, dum ad DEUM preces fundis: *Nos verò*, sunt verba Tertulliani, *non attollimus tantum, sed etiam expandimus manus ac brachia, & Dominicam passionem modulantes, confitemur Christum.*

Galatin. lib.
8. de arcans
cap. 17.

Tertul. de
Orat.

6. Salomoni adjungo Jonam Prophetam, qui à balena absorptus, cum in summis versaretur angustiis, in ventre piscis expansis ad DEUM brachiis oravit: *Et oravit Jonas ad Dominum DEUM suum de ventre piscis, & dixit: Clamavi de tribulatione mea ad Dominum, & exaudivit me.*

Jonæ 2, 2.

Andreas
Ginther Unus pro omnibus.

G g

Episco-

Andr. Cretens.
Orat. 2, de
Exalt. S. Cruc.

Episcopus Cretensis ait, quòd Jonas extentis brachiis suis signum crucis efformaverit, & per merita venturi Messiae, suo tempore pro salute universorum crucifigendi, fuerit exauditus: *Elevavit, inquit, Jonas vocem manibus in crucis formam sublati, & statim virtutem ex alto attraxit, sine noxa ex bellua ejectus.* Habes hic rursus formam & modum, Lector Christiane, quem imiteris: si vis exaudiri in oratione, tentatione ac tribulatione tua, expande sapius manus tuas ad Dominum & Amorem tuum crucifixum; Crux enim est altare propitiatorium, ad quod securum reperies auxilium & asylum in tempore oportuno.

S. Max. Ep.
hom. 5. de
SS. Apost.

7. S. Petrum Apostolorum Principem consule. Cùm Simon Magus Romae se palam Christum Dei Filium profiteretur, & nunc ope daemones in aëre elevareretur: *Prior, ait S. Maximus, ascendit Petri oratio ad Dominum, quam volatus, & ante pervenit iusta petitio, quam iniqua praesumptio,* nam Simon Magus ab aëre in terram praecipitatus, in petra crura confregit, & turpiter coram omni populo Romano confusus est. Clemens Alexandrinus observat, quòd S. Petrus tunc expansis in modum crucis manibus ad DEUM oraverit, cujus orationis virtute & Christi crucifixi meritis, quem hic invocabat Petrus, mox daemon fugatus est.

Epiphan. ha-
selli 78.

De S. Jacobo Ap. Minore testatur Epiphanius, quòd solitus fuerit manibus in formam crucis protensis supplices ad DEUM preces mittere; Et cùm aliquando diuturna siccitas regionem vastaret, pestisque vehemens populo minaretur interitum, formans manibus crucem & in coelum clamans, quamprimùm regioni salutarem pluviam, & aërem salubrem impetravit.

Annal. F. F.
Minor. Lyr.
& alii.

8. S. Franciscus Seraphicus, qui totus quasi in Crucifixum transit, frequentissimè solebat praesertim de nocte expansis in formam crucis brachiis ad DEUM preces ingeminare, ubi aliquando toto corpore à terra in altum elevatus, & nube lucidâ circumdatus, quasi in aëre crucifixus Fratribus suis apparuit.

Surgis in vita.

S. Ludovicus ex Maria Hungarica Caroli II. Siciliae Regis filius, sui & mundi contemptor egregius, qui ut crucifixo Regi suo, cui unice militare decreverat, se magis magisque conformaret, abdicato regno & saeculi fastu, Seraphicum Ordinem S. Francisci ingressus, omnibus mortalibus exemplum praebuit, quo amore & cultu sit honorandus crucifixus Iesus, in cuius honorem quotidie, licet Episcopali dignitate insignitus & curis pluribus ac laboribus distentus, Officium de SS. Cruce expansis in modum crucis brachiis summa cum devotione recitabat; & cùm diabolus in forma felis latens, ipsi strueret insidias & interitum, unico signo S. Crucis illum fugavit, & in orcum misit. Si vis, ani-

me mi, hunc hostem fugare, imitare exempla.

CON-